Hor

EPISTRE

## DOVIDE. MISE

NOVVELLEMENT EN

FRANÇOIS POVR SERVIR de Factum à vne cause pendante à la Cour de Parlement.

M.DC. XXII.

## A FLORIDE, SVR L'INfidelité de Polidor.

N'ont peuretenir cet Amant
Qui faict gloire d'estre volage
Commetoy d'aymer constamment,
Que le desespoir ne te guide,
Console toy belle FLORIDE
Au mespris qu'il faict de ta foy,
Puis que les charmes de ces plaintes
R'allumant ses flâmes esteintes
Le vont remettre soub Z ta loy.



## EPISTRE D'OVIDE, MISE

nouvellement en François pour servir de Factum à une cause pendante à la Cour de Parlement.

ERFIDE. Si tes yeux mécognoissent les characteres demes lettres, commeton ame ingrate a effacé ceux que

mon amour t'auoit graué dedans le cœur: refuse les à la lecture d'vne fueille qui ne se noircit pas si tost d'encre qu'elle te noircit d'vne atroce iniure. Mais s'il est vray que tu recognois les trais de la main dans laquelle tu as mis la tienne pour me iurer la soy que tu as si laschement vio-

lée, en dure justement que iete nommeperfide, ingrat, desloyal & pariure. A la verité ie te confesse que i'ay regretté le temps auquel il m'estoit permis de t'entretenir auce les plus douces paroles dont l'amour pouuoit emmieller ma langue. Car certes tu m'aymois, & ton affection meritoit quelque recompense. le t'auouë aussi que les souuenirs de mes felicitez estoient bien doux à ma pensée. Mais maintenant que tum'as si vilainemétoutragée & que tu t'efforces si obstinement de me perdre, ie neveux plus qu'ils repassent dans ma memoire, que pour me faire conceuoir de l'aigreur & de l'amer tume cotre ton infidelité. Ie ne veux plus y chercher des soulagemes, mais plustost des aliments à ma douleur afin quelle l'augmente s'il est possible & qu'elle me consume.

C'estoit au temps, il t'en souvient, que la peste desertoit Paris & peu-

ploit les villages d'allentour, que tu vins ou ie m'estois retiree auec mes parens pour éuiter la rage de ceste maladie. Hé qu'il eust bien mieux valu pour mon contentement que ie m'y fusse exposée. Car vne aurre peste plus furieuse que celle là s'empara de toname, & se coula si subtilement dans tes moüelles, qu'aussi tost que tu m'euz hallenée il me fut impossible d'en éuiter la contagion. Ce fur amour, qui jaloux du repos de ma vie, le voulut troubler par les plus rudes attaques dont il air iamais assailly le cœur d'vne pauure fille. O Nymphes qui frequentez l'ombrage des bois, la fraischeur des fontaines & l'émail des prairies de Lai, vistesvous iamais vne de vos compagnes qui jouit plus franchemet de sa douce liberté; alors que sans affection i'alloy ou mon pied me guidoit parmy vos agreables promenades? Ce iour fur mal'heureux que tu me veis auec vne si chere troupe, & que tes yeux me iugerent seule digne de ton choix pour me prendre la main dans la dance. Lors telle auoit de la jalousie de mon bon-heur qui maintenat jette des larmes de compassion pour ma calamité: il me souuient que ie chantois & que ton cœur sautoit de ioye, rauy des accens de ma voix. Dieux! quel funeste changement! ces chants de victoire auec lesquels ie triophois de ta liberté, sont maintenant changez en complaintes funebres qui m'accompagnét iusqu'au tombeau. Car que me reste il autre chose qu'vn cercueil pour enseuelir mon desastre auec la memoire de ta deloyauté. Sus deliurons Polidor de sa plus cruelle ennemie, & ses parens de la cruauté de cette Medée à qui son art succede si malheureusement. Ne dédaignez point mes compagnes, d'assister aux funerailles de vostrechere sœur. La fortune luy a fait

souffrir nauffrage de son bon-heur; mais non pas de son honneur; elle peut estre dite mal'heureuse, mais non pas criminelle. Semez hardimet autour de sa tombe les Lis & les Roses. Les vnes significant par leur blancheur, sa chasteté, sa modestie & la cadeur de son ame: & les autres par leur couleur de sang, la cruauté dont l'amour & la fortune ont ensanglanté la catastrophe de sa vie.

Mais pourquoy mourray ie puisque ie peux viure auec honneur: & qu'il importe que ie viue, afin que par la suite de mes vertueuses actios, ie ferme la gueule de ce monstre qui se desgorge en medisances contre moy? Que ceux-là meurent qui ont rompu leur soy. Que ceux-là meuret qui veulent prophaner les plus saints mysteres pour troper vne innocente fille. Que ceux-là meurent qui sont desia morts au monde d'vne mort ciuile & qui suruiuent à leur repura-

tion. Vrayment il te fait beau veoir contrefaire le fol & feindre d'estre despourueu de sens afin de deffendre auec apparence de raison vne mauuaise cause. L'artifice de ton infidelité est merueilleusement subtil, on tasche ordinairement de combattre son aduersaire auec l'auantage de la raison: mais toy par vn nouueau stratagéme tu t'efforces de surmonter mon bon droit par le manquement de la raison mesme. On dit qu'Vlysse encore brulat des premieres ardeurs qu'il conceuoit dans le sein de sa chaste Penelope contresit le fol de peur d'estre solicité de quitter les combats amoureux pour s'acheminer à la guerre de Troye. Il preferoit les myrthes de Venus aux Lauriers de Mars, & le contentement de sa maistresse, à sa renommée & au nom qu'il devoit acquerir en vne si braue & genereuse expedition! Helas que mon fort est semblablement dissemblable

blableau tien Penelope, puisque vn déloyal par vne ruse plus que qu'Itaquoise, feint d'estre surpris de folie pour surprendre mon innocence & ne craint point la perte de sa reputation pourueu qu'il perde la mienne. Quelle faute ma renduë si criminellement coulpable enuers toy qui aye peu changer vne affection si saincte en vne haine si capitale, qui te face ruiner volontiers de biens & d'honneur pourueu que ie sois enseuelie dedans tes crimes & que ie prenne coup en ta cheute? Que l'on examine curieusemet ma vie! & que les yeux mesmes de la calomnie trauaillent à ceste recherche, si est-ce qu'elle n'y trouuera aucune tache, si ce n'est parauenture qu'on estime que c'est vn crime d'aymer celuy que les liens du mariage & del'affection m'ont conjoint d'vne mesme estreinte. Car ie veux bien que l'on sçache que ie n'ay passité si imprudente de me laisser

aller aux promesses d'un homme passionné pour faire seruir de moyen & d'approches à mon contentemét ce qui devoit seruir de but & de terme autien. L'esclat de ta fortune n'a peu estonner ma constance ny esbloüir ma vertu: ie te l'ay voulu conseruer toute pure & toute entiere: & cela m'en rendoit d'autant plus digne & plus capable au iugement de tout le monde. Non non, ce n'a point est è à la desrobée ny par surprise que tu as iouy de moy, nos embrassemes n'ont point esté des larcins d'vne amour impudique, mais des presens d'une chaste Venus. Le flambeau de Cupidon n'a peu du tout embrazer mon cœur, qu'auparauant celuy d'hymenéen'ayt esté allumé, & iene t'ay o-Atroyé aucune de mes nuists que ie n'aye veu paroistre le iour de mes nopces. Allez maintenant, parens de mon fugitif & dites que nostre mariage a esté clandestin, auquel la sain-

te nopciere Iunon, la ceinte Venus le Genial Hymenée, tant de Nymphes & de Paranymphes ont assisté; lequel a esté iuré si solemnellement, solemnisé si saintement, sanctifié si ceremonieusemet par les plus sacrez mysteres de la religion & de la confarreation. Il n'y a rien eu de secret que ce qui a esté caché des courtines du lict nuptial, & que l'honnesteté me commande de celer comme la necessité que vous m'imposez me force de le dire. Encores crois-ie que les amours, les graces, les ris & les ieux y ont esté preses & en sont les témoins irreprehensibles. A la verité vous n'auez esté appellez que par la voix publique à nostre Hymenée. Mais à quel propos de conuoquer ceux de qui l'œil ennemy eut troublé nos augures & qui par leur absence dommageable témoignét assez combien leur presence nous eut esté nuisible. Vos déportemens & vos pratiques

me monstret bien que vous auez de? siré qu'il arrivast ainsi que ma misere vous donast plustost vne succession que ma felicité des neueux. Si est-ce que mon alliance ne vous doit point faire rougir encore que l'escarlate pa triciene rougisse dessus vos espaules. l'ay aussi de mon costé dequoy me vanter, si ie veux enrichir mes armoties de la pourpre qui éclate en la prouince Armorique. Mais la vertu n'a que faire de ces ornemens estranges, & paroist assez de son propre lustre sans en empruter ailleurs. D'où vient donc que vous mesurez la baze auec la statuë, & que vous ne distinguez point la fortune de la vertu? D'où vient que vostre jugement si roide & si entier pour autruy fleschit maintenant sous le poids de l'interest particulier? Souffrez que la vertu reçoiue quelquefois vn autre prix pour sa recompense que le témoignage de sa bonne conscience. Mais toy cruel,

auecquel front oze-tu me reprocher ma pauureté & l'inegalité de mes richesses, toy dis-ie qui protestois à ceux qui te vouloiet dissuader le party, que tu estois amoureux non de la beauté d'un visage, mais de celle de l'ame, non des biens que nous tenos par emprunt du fort, mais des richefses sur lesquelles la Deesse qui maintient son droit sur toutes choses n'a aucune puissance. Combien de fois t'ay-je ouy defendre constammet la cause de la vertu contre cette inconstante & persuader auec de fortes raisons à tes amis, de choisir come toy pour femme nonles riches, mais les sages? le bondissois d'aise de t'oüyr si bien dire; & neantmoins repenfant à part moy, ie disois auec quelque petit mécontentement. Céthomme à plus de raison que d'amour. Où sont maintenant ces discours philosophiques dont tu battois nos comuns ennemis; qui te les arraches des poings

pour t'y mettre vne marotte de laquelle tu t'escrimes si rudement contre moy? Vrayment la Circé qui t'a chagé d'homme en beste à des charmes bié plus puissans que ceux qu'on dit que i'ay employez pour te surprédre. Il te falloit, il te falloit vne femme que ses richesses eussent renduë insolente & imperieuse, qui ne t'eut parlé que par caprice, salué que par boutade, & regarde que de trauers, qui apres t'auoir rompu la teste des tropheez & des triomphes de ses ancestres, fut sortie iournellement en pompe trainée das vn chariot à quatre cheuaux comme pour triompher elle mesme de son mary. Ce sont celles-là qui font veritablement perdre le sens à vn homme, aymant mieux estre maistresse de leur maris insensez que leur obeyr estans sages. Les Dieux t'ont mieux addresse, mais tonmauuais coseil t'empesche de iouyr de ton bon-heur & de gouster les

plaisirs d'vne vie paisible & contéte. Îe veux que ie ne contribuë pas autăt de richesses que toy à nostre mariage; mais i'y apporte aussi plus d'affection, Qu'elle possession te doit estre plus chere & plus pretieuse que celle d'vn cœur qui se conserue tien, mesmes alors que tu en refuses la iouyfsance? Recognoy tafaute, Polidor, & prefere la douce prison de ta maistresse à la captiuité cruelle de tes ennemis, & les aimables lies de l'amour coniugal aux chaisnes qu'on te prepare comme à vn furieux. Car ie me trope, ou l'artifice que tu employes cotre moy seruira de piege pour t'attraper to y-mesmes, si tu ne preuiens. La vengeance qui te pend sur la teste par vne prote satisfaction. Croy moy qui te conseille encor vn coup en amie. N'attends point que les Areopages qui ont les yeux clos à toute forte de faueur, & qui balancent tout au poids de l'équité te redonét par force

à celle à qui tu t'estois si liberalemet doné. Tadis qu'il te reste encor quelque lieu de merite en mon endroit. Occupe-le iet'en prie, & ne souffre point que ie sois totalement redeuable à d'autres de ce dont ie t'estois si éstroittemet obligée. Que si ie seme en vain mes paroles en l'air, sas émous uoir ce cœur qui ressentoit autrefois tat d'émotio d'vn seul regard de mes yeux. O Dieux, ie vous inuoque, Vágez vostre iniure sur ceste teste infidelle. Si vous auez oüy ses execrables parjures ou il vous appelloit pour témoins, oyezmes deuotes prieres ou ie vous appelle pour vangeurs, & si vo'l'auez veu prophaner vos autels, que tardez vous de les lauer du sang de ce prophane. Grads Dieux ne permettez point que l'impieté triophate iniustement de l'innocence me face log téps douter si vous auez soin des affaires de cemode, ou si tout se regit par la conduite aueugle du hazard & de la fortune.



